

摘藻堂四庫全書薈要

集部

欽定四庫全書薈要卷一萬五千三百九十七

集部

簡齋集卷六

宋 陳與義 撰

詩

將赴陳留寄心老

今日忽不樂圖書從糾紛不見汝州師但見西來雲長  
安豈無樹憶師堂前柳世路九折多遊子百事醜三年  
成一夢夢破說夢中來時西門雨去日東門風書到及

師閒為我點枯筆畫作謫官圖  
羸驂帶寒日他日取歸路  
千里作一程飽吃殘年飯  
就師聽竹聲

赴陳留二首

草草一夢闌行止本難期  
歲晚陳留路老馬三振鬃  
自看鞭袖影曠野日落遲  
柳林行不盡想見春風時  
點點羊散村陳陳鴻投陂  
城中那有此觸處皆新詩  
舉手謝路人醉語勿瑕疵  
我行有官事去作三年痴  
遙聞辟穀仙閱世河水涓  
時從玩水影政爾不憂飢

馬上摩挲眼出門光景新  
鴉鳴半陂雪路轉一林春  
舊歲有三日全家無十人  
平生鸚鵡盞今夕最關身

至陳留

烟際亭亭塔招人可得回  
等閒為夢了聞健出關來  
日落河水壯天長鴻雁哀  
平安遠遊意隨處一徘徊

客裡

客裏東風起逢人只四愁  
悠悠雜唯唯莫莫更休休  
窗影鳥雙度水聲船逆流  
一官成一集盡付古河頭

初至陳留南鎮夙興赴縣

五更風搖白竹扉整冠上馬不可遲  
三家陂口雞喔喔  
早於昨日朝天時行雲弄月翳復吐  
林間明滅光景奇  
川原四望鬱高下蕩搖蒼茫森陸離  
客心忽動羣雁起  
馬影漸薄村墟移須臾東方雲錦發  
向來所見今難追  
兩眼聊隨萬象轉一官已判三年痴  
只將乘除了吾事  
推去木柅收此詩寫我新篇作畫障  
不須更覓丹青師

遊八關寺後池上

落日生春色微濶動古池柳林橫絕野藜杖去尋詩不  
有今年謫爭成此段奇殷勤雪廬老隨客轉荒陂

種竹

種竹不必高搖綠當我楹向來三家墅無此笙簫聲皇  
天有老眼為閱十日晴護我蕭蕭碧偉事憐翁驚同休  
偶落此相向意甚平何須俟迷日可笑世俗情明年萬  
天矯穿地聽雷鳴但恨種竹人南山合歸耕他時夢中  
路留眼記所更蒼雲屯千里不見陳留城

對酒

陳留春色撩詩思一日搜腸一百迴  
燕子初歸風不定  
桃花欲動雨頻來人間多待須微祿  
夢裏相逢記此杯  
白竹扉前容醉舞烟村渺渺欠高臺

寒食

草草隨時事蕭蕭傍水門  
濃陰花照野寒食柳圍村  
客袂空佳節鶯聲忽故園  
不知何處笛吹恨滿清樽

再遊八關寺後池上

古鎮易為客了身一籃輿貪遊八關寺忘却子公書青  
青天氣肅淡淡春意初東風經古池滿面生紆餘卯申  
縛壯士人世信少娛時來照茲水檢點鬢與鬚日暮登  
古原微白見遠墟念我遂初賦徘徊月生裾悠悠不同  
抱悄悄就歸途

感懷

少日爭名翰墨場只今扶杖送斜陽青青草木浮元氣  
渺渺山河接故鄉作吏不妨三折臂搜詩空費九迴腸



子房與我同羈旅  
世事千般酒一觴

竇園醉中前後五絕句

東風吹雨小寒生  
楊柳飛花亂晚晴  
客子從今無可恨  
竇家園裏有鶯聲

海棠脈脈要詩催  
日暮紫綿無數開  
欲識此花奇絕處  
朝朝有雨試重來

不見海棠相似人  
空題詩句滿花身  
酒闌却度荒陂去  
馳使風光又一春

三月碧桃驚動人滿園光景一時新  
臘傾老子尊中玉  
折盡繁枝不要春

一尊相屬莫辭空報答今朝吹面風  
自唱新詩與明月  
碧桃開盡雨聲中

雨

沙岸殘春雨茅簷古鎮官一時花帶  
泪萬里客憑欄日  
晚薔薇重樓高燕子寒惜無陶謝手  
盡興破憂端

食筍

竹君家多材楚楚皆席珍成行著錦袍玉色映市人惠  
然集吾宇老眼蒼光新麴生亦稅駕共慰藜藿貧不待  
月與影三人宛同親可憐管城子頭禿事苦辛按譜雖  
同宗聞道隔幾塵詩成聊便寫一笑驚比隣

初夏遊八關寺

閉門睡過春出門綠滿城八關池上柳絮罷但藏鶯世  
故劇千媚今朝此間行草木隨時好客恨終難平寺有  
石壁勝詩無康樂聲扶鞍不得上新月水中生

題酒務壁

野馬本不羈，無奈却與申。當時彭澤令，定是英雄人。客  
來兩繩床，客去一欠伸。市聲自雜杏，爐烟自輪囷。鶯聲  
時節改，杏葉雨氣新。佳句忽隨前，追摹已難真。自題西  
軒壁，不雜徐庾塵。

秋夜詠月

庭樹日日疎，稍覺夜月添。推愁了此段，卷我三間簾。黃  
花牆陰遠，白髮露氣嚴。平生六尺影，隨我送涼炎。踏破

千憂地投老乃自嫌尚想采石江宮錦映霜蟾夜半賦  
詩成起舞魚龍兼辨此詎難事取快端宜廉

入城

竹輿聲吶啞路轉登古原孟冬郊澤曠細水鳴蘆根霧  
收浮屠立天濶鴻雁奔平生厭喧鬧快意三家村思生  
長林內故園歸不存欲為唐衢哭聲出且復吞

夜步堤上三首

世故生白髮意行無與期平生木上座臨老始相知月

中沙岸永歲暮河流遲留侯廟前柳葉盡空離離百年  
信難料賸賦竒絕詩

人間睡聲起幽子方獨步倚杖看白雲亭亭水中度十  
月雁背高三更河流去物生各擾擾念此煎百慮聊將  
憂世心數遍橋西樹

旋買青芒鞋去踏沙頭月爭教冠蓋地著此影突兀樹  
寒栖鳥動風轉孤管發月色夜夜佳人生事如髮夢中  
續清遊濃露濕銀闕

早起

竟夜聞落木雨歇窗如新披衣有忙事簷前看歸雲初  
陽上林端雅背明紛紛我亦迫經課日計在一晨再燒  
結願香消洗三生勤羣公持世故白髮到幽人幸不識  
奇字門絕車馬塵誰能共此窗竹影可與分

晚步

手把古人書閒讀下廣庭荒村無車馬日落雙檜青曠  
然神慮靜濁俗非所寧逍遙出荆扉竚立瞻郊坰須臾

暮色至野水皆晶熒却步面空林遠意更杳冥停雲甚  
可愛重疊如沙汀

同楊運幹黃秀才村西買山藥

潦縮田路寬委蛇散腰脚勝日一枝杖村西買山藥岡  
巒相吞吐遠木互前却天陰野水昏歲暮竹籬薄田翁  
領客意發筐堆磊落玉質緋色裘用世乃見縛屠門幾  
許快夜語尋幽約石鼎看雲翻門前北風惡

同二子觀取魚于竇家池以錢得數斗置驛西



野塘中圍圍而逝我輩皆欣然也

閉門讀書生白髮間向村東看魚穴曾隨樹影數圓波  
鐵面魚翁肝肺別向來痴腹負此翁只可買放蓮塘中  
萬事成戲等閒裏他年此地費雷風

早起

曉寒生木枕窗白夢難續自起開柴扉空庭立喬木濛  
濛井氣上淡淡天容肅塵心忽昭曠何異居澗谷學道  
審不遙忍飢差已熟皇天賜豐年菜本如白玉一簡了

百事狡獪啞顏歌幽鳥行屋山悠然寄吾目

招張仲宗

北風日日吹茅屋幽子朝朝只地爐客裏賴詩增意氣  
老來唯懶是工夫空庭喬木無時事殘雪疎籬當畫圖  
亦有張侯能共此焚香相待莫徐趨

宴坐之地蓬簾覆之名曰蓬齋

不關了三冬旋作蓬齋待朔風會有打窗飛關

地爐孤坐策奇功

寓居劉倉廨中晚步過鄭倉臺上

紗巾竹杖過荒陂，滿面春風二月時。  
世事紛紛人易老，春陰漠漠絮飛遲。  
士衡去國三間屋，子美登臺七字詩。  
草遠天西青不盡，故園歸計入支頤。

八關僧房遇雨

脫履坐明窗，偶至情更適。  
池上風忽來，斜雨滿高壁。  
深松含歲暮，幽鳥立晝寂。  
世故方未闋，焚香破今夕。

贈黃家阿莘

君家阿莘如白玉呼出燈前語陸續可憐郎罷窮一生  
只今有汝照茅屋猪生子豚復豚阿莘明年可當門  
階庭一笑不外索萬事紛紛何足論

簡齋集卷六

欽定四庫全書薈要卷一萬五千三百九十八

集部

簡齋集卷七

宋 陳與義 撰

詩

發商水道中

商水西門語東風動柳枝  
年華入危涕世事本前期  
草檀公策茫茫杜老詩  
山川馬前濶不敢計歸時

次舞陽

客子寒亦行正月固多陰馬頭東風起綠色日夜深大  
道不敢驅山徑費推尋丈夫不逢此何以知嶮嶮行投  
舞陽縣薄暮森衆林古城何年缺跋馬看日沈憂世力  
不逮有淚盈衣襟嵯峨西北雲想像折寸心

次南陽

今日東北雲景氣何佳哉我馬且勿驅當有言語來春  
寒欺客子滿意旗亭杯百年耳頻熱萬事首不回卧龍  
今何之有塚今半摧空餘喬木地薄暮鴉徘徊懷古視

落日愧我非長才却憑破鞍去風林生七哀

西軒寓居

牢落西軒客巡簷費獨吟桃花明薄暮燕子鬧微陰辛  
苦元吾事淹留更此心小窗隨意寫蛇蚓起相尋

鄧州西軒書亭十首

小儒避敵南征日皇帝行天第一春走到鄧州無脚力  
桃花初動雨留人

千里空攜一影來白頭更著亂蟬催書生身世今如此



倚遍周家十二槐

瓦屋三間寬有餘  
可憐小陸不同居易  
求蘇子六國印  
難得河橋一字書

莫嫌啖蔗佳景遠  
橄欖甜苦亦相并  
都將壯節共辛苦  
準擬殘年看太平

皇家卜年過周歷  
變故未必非天仁  
東南鬼火成何事  
終待邊烽作諍臣

楊劉相傾建中亂  
不待白首今同歸  
只今將相須廉藺

五月并門未解圍

不須夜夜看太白天地景氣今如斯始行螭蚌相攻策  
可惜中原見事遲

詔書憂民十六事父老祝君一萬年白髮書生喜無寐  
從今不仕可歸田

范公深憂天下日仁祖愛民全盛年遺廟只今香火冷  
時時風葉一騷然

諸葛經行有夕風千秋天地幾英雄弔古不須多感慨

人生半夢半醒中

晚步順陽門外

六尺枯藜了此生  
順陽門外看新晴  
樹連翠篠圍春晝  
水泛青天入古城  
夢裏偶來那計日  
人間多事更聞兵  
只應十載溪橋路  
欠我嬾姍勃窣行

縱步至董氏園亭三首

池光脩竹裊筇杖  
季春頭客子愁無奈  
桃花笑不休  
百年今日勝萬里  
此生浮莽莽  
尊前事題詩寄獨遊

槐葉層層新綠生  
客懷依舊不能平  
自移一榻西窗下  
要近叢篁聽雨聲

客子今年駝褐寬  
鄧州三月始春寒  
簾鈎挂盡蒲團穩  
十丈虛庭借雨看

海棠

春雨夜有聲  
連林杏花落  
海棠已復動  
寒食豈寂寞  
人間有此麗  
赴我隔年約  
花葉兩分明  
春陰耿簾幕  
東風吹不斷  
日暮胭脂薄  
何可無我吟  
三叫恨詩惡

雨中觀秉仲家月桂

月桂花上雨春歸一憑欄  
東西南北客更得幾回看  
紅衿映玉色薄暮無乃寒  
園中如許樹獨覺賦詩難

香林曲四首

絕愛公家花氣新一林清露  
百般春是中宴坐應容我  
只恐微風喚起人

丈人延客非俗物百和香中  
進一盃乞取齊奴錦步障  
與春遮斷曉風來

誰見繁香度牖時  
碧天殘月映花枝  
固應撩我題新句  
壓倒韋郎宴寢詩

簡齋居士不飲酒  
一入香林更不醒  
驅使小詩酬曉露  
絕勝辛苦廣騷經

題簡齋

我窗三尺餘可以閱晦明  
北省雖巨麗無此風竹聲  
不著散花女而况使鬼兄  
世間多岐路居士繩牀平  
未知阮遙集幾履了平生  
領軍一屋鞋千載笑絕纓  
槐陰自

入戶知我喜新晴  
覓句方未了簡齋真虛名

印老索鈍菴詩

人言融公懶床上  
揖賓客我來兩忘揖  
團團一庵白戲談  
鄧州禪分食天寧  
麥竹風亦喜我蕭  
索至日夕出家  
丈夫事軒冕本兒  
劇願香驚餘烟世  
故感陳迹固應師  
未鈍使我不安席  
時求一滴水為洗  
三生石

春雨

花盡春猶冷  
羈心只自驚  
孤鶯啼永晝  
細雨濕高城  
擾

擾成何事悠悠送此生  
蛛絲閃夕霽隨處有詩情

難老堂

城南鳥聲和且都我識  
丈人屋上烏難老堂中一尊酒  
不教霜雪上髭鬚  
樊侯種梓用莫竭丈人向來亦種德  
挽回萬事入繩床  
花竹相看有佳色  
人生知足一飽多  
當時恨我棄漁蓑  
題詩素壁蛇蚓集  
五百年後公摩挲

登城樓

去年夢陳留今年夢鄧州  
幾夢即了我一笑城西樓新



晴草木麗落日淡欲收遠川如動搖景氣明田疇百年  
幾憑欄亦有似我否城陰坐來失白水光不流丈夫貴  
快意少住寬千憂歸嫌簡齋陋局促生白頭

雨

忽忽忘年老悠悠負日長小詩妨學道微雨好燒香  
鶻移時立庭梧滿意涼此身南復北彷彿是他鄉

遊董園

西園可散髮何必賦遠遊地曠多雄風葉聲無時休幸

有濟勝具枯藜支白頭平生會心處未覺身淹留散坐  
青石床松意淡欲秋薄雨青衆卉深林眈微流一涼天  
地德物我俱夷猶東北方用武六月事戈矛甲裳無乃  
重腐儒故多憂珍禽叫高樹且復寄悠悠

夏雨

三伏過幾日坐數令人瘦片雲忽西行庭樹生光景須  
臾萬銀燭壯觀發異境天公終老手一笑破日永龍公  
勿憚煩事了亦俄頃脩竹恬變化依然半窗影

夏夜

閒弄玉如意天河白練橫時無李供奉誰識謝宣城兩  
鵲翻明月孤松立快晴南陽半年客復此滿懷清

又絕句

虛庭散策晚涼生斟酌星河亦喜晴不記牆西有脩竹  
夜來還作雨風聲

待到天宮放月時東家喬栢兩虬枝懸知滿地疎陰處  
不及遙看突兀奇

積雨喜晴

積雨得一晴開窗送我目  
疊雲帶餘憤遠樹增新綠  
天公信難料變化雜神速  
夕霞盡意紅詰朝固難卜  
西軒一盃酒未負將軍腹  
竹林懷微風餘韻久回復  
熱官豈辨此何必思爛熟  
曳杖出門行栖鴉息枯木

鄧州城樓

鄧州城樓高百尺  
楚岫秦雲不相隔  
傍城積水晚更明  
照見綸巾倚樓客  
李白上天不可呼  
陰晴變化還須臾

獨撫危欄詠奇句滿樓風月不枝梧

北征

世故信有力挽我復北馳獨衝七月暑行此無盡陂百  
卉共山澤各自有四時華實相後先盛過當同衰亦復  
觀我生白髮忽及期夕雲已不征客子今何之願傳飛  
仙術一洗局促悲披襟閬風觀濯髮扶桑池

秋日客思

南北東西俱我鄉聊從地主借胡床諸公共得何侯力

遠客新抄陸氏方老去事多藜杖在夜來秋到葉聲長  
蓬萊可托無因至試覓人間千仞岡

道中書事

臨老傷行役籃輿歲月奔客愁無處避世事不堪論白  
道含秋色青山帶雨痕壞梁斜鬪水喬木密藏村易破  
還家夢難招去國魂一身從白首隨意答乾坤

將次葉城道中

荒野少人去竹輿伊軋聲晴雲秋更白野水莫還明寂

冥信吾道淹留諳物情王喬有餘烏借我一東征

至葉城

蘇武初逢雁王喬欲借鳧深知念行李為報了長途難  
穩三更枕遙憐五歲雛却思正月事不敢恨榛蕪

晚發葉城

竹輿開兩牖秋色為橫分左送廉纖月右揖離披雲詩  
情滿行色何地著世紛欲語王縣令三叫不能聞

方城陪諸兄坐心遠亭

客中日食三斗塵北去南來了今歲暫時亭中一杯酒  
與兄同宗復同味博山雲氣終日留竹君蕭蕭不負秋  
世路明年倘無故却攜藜杖更來遊

美哉亭

西出城皋關土谷僅容駝天掛一疋練雙崖鬪嵯峨忽  
然五丈闕亭構如危窠青山麗中原白日照大河下視  
萬里川草木何其多臨高一吐氣却奈雄風何辛苦生  
一快造化巧揣摩險易終不償翻身下殘坡



山路曉行

兩崖夾曉月萬壑分秋風今朝定何朝孤賞莫與同石  
路抱岩轉雲氣青濛濛籃輿扶露枝亂點驚僕僮微泉  
不知處玉佩鳴深叢平生慕李愿得此行旅中居人輕  
佳境過客意無窮山木好題詩恨我行匆匆

題董宗禹園先志亭宗禹之父早失母萬方求  
得之此其晚節色養之地也

作客古南陽問俗仁孝敦坐讀杜羔傳起訪城西園偉

哉是家事作傳堪千言當年懷橘處華屋淡曉暎大松  
蔭後楹小松羅前軒風露所沐浴千載當連根我已廢  
蓼莪感茲淚河翻葉聲含三嘆送我出園門

同繼祖民瞻遊賦詩亭二首

邂逅今朝一段奇從來華屋不關詩諸公且作留年意  
正是微風到竹時

浩浩白雲溪一色冥冥青竹鳥三呼只今那得王摩詰  
畫我憑欄覓句圖

題崇山

短篷如鳧鷖載我萬斛愁  
試登山上亭却望沙際舟  
世故莽相急長江去悠悠  
西南浸山影晦明分中流  
蕩漾寶鑑面翠髻千螺浮  
去程雖云阻茲地固堪留  
客路惜勝日臨風搔白頭  
衆色忽已晚川光抱岩幽  
三老呼不至我興方未收  
下山事復多題詩記曾遊

簡齋集卷七

謹案卷五第九頁後三行固應生女作門楣原本  
應訛因今改


第十四頁前一行竹聲池邊起原本竹訛行據別  
本改

卷六第二頁後二行整冠上馬不可遲原本上馬  
訛馬上據別本改

第八頁前五行天陰野水昏原本昏訛明據別本  
改

卷七第一頁前七行山川馬前澗原本澗訛澗據  
別本改

第四頁前六行連林杏花落原本落訛發據別本  
改



總校官庶吉士臣張能照

校對官庶吉士臣陳墉

騰錄監生臣吳魯

欽定四庫全書薈要

集部

簡齋集卷八至  
十一

詳校官助教臣謝登雋



欽定四庫全書薈要卷一萬五千三百九十九

集部

簡齋集卷八

宋 陳與義 撰

陳與義詩

與季申信道自光化復入鄧州書事四首

孫子白木杖富子黑油笠我獨白竹籃  
差池復相及夕陽橋邊盡岸幘歸雲急  
勿語城中人從渠慎出入

賣舟作歸計竹輿穩如舟霧收青臯濕  
行路當春遊老



馬不自知意欲踏九州依然還故櫪寂寞壯心休  
再來生白髮重見鄧州春依舊城西路桃花不記人卜  
居得窮巷日色滿窗新微吟驚市卒獨鶴語城闈  
城西望城南十日九相隔何如三杖杖共踏江上石門  
前流水過春意滿渠碧遙知千頃江如今好顏色

寄季申

雨歇城西泥未乾遙知獨立整衣冠舊時鄴下劉公幹  
今日遼東管幼安綠陰展盡身猶遠黃鳥飛來節已闌

安得一尊生耳熱暫時相對說悲歡

題繼祖蟠室三首

雲起鑪山久未移功名不恨十年遲日斜疎竹可窗影  
正是幽人睡足時

萬卷吾今一字無打包借處野僧如短檠未盡殘年興  
欲問班生試借書

中興天子要人才當使生擒顏利來正待吾曹紅抹額  
不須辛苦學顏回

述懷

閉戶生白髮逍遙步城隅  
野外晴林滿天末暮雲孤  
水容淡春歸草色帶雨濡  
物態紛如昨世事再嗚呼  
京洛了在山川一何迂  
乘槎莽未辨且復小踟蹰

寄題趙景溫筠居軒

相逢漢江邊盜起方如雲  
當時蒼黃意亦可無此君  
俗士固鮮歡王孫終逸羣  
秋清不可負牖壁看修筠  
碧幹立疎雨叢梢冒斜曛  
引君著勝地世事從糾紛  
何時微

月夕胡床與子分高吟呼天風夜半笙簫聞

重陽

去歲重陽已百憂今年依舊嘆羈遊  
籬底菊花唯解笑鏡中頭髮不禁秋  
涼風又落宮南木老雁孤鳴漢北州  
如許行年那可記謾排詩句寫新愁

有感再賦

憶得甲辰重九日天恩曾預宴城東  
龍沙此日西風冷誰折黃花壽兩宮

感事

喪亂那堪說干戈竟未休公卿危北顧江漢故東流風  
斷黃龍府雲移白鷺洲云何舒國步持底副君憂世事  
非難料吾生本自浮菊花紛四野作意為誰秋

送客出城西

鄧州誰亦解丹青畫我羸驂曉出城殘年政爾供愁了  
末路那堪送客行寒日滿川分衆色暮林無葉寄秋聲  
垂鞭歸去重回首意落西南計未成

答席大光書以詩迓之

十月風高客子悲故人書到暫開眉也知廊廟當推轂  
無奈江山好賦詩萬事莫論兵動後一盃當及菊殘時  
喜心翻到相迎地不怕寒林十里陂

送大光赴石城

石城高巒嶮城下是江波莫愁織綺地年來戰馬過秀  
眉使君醫國手却把江頭無事酒山川勃鬱不平處澆  
以三盃一搔首半江樓影白逶迤想見春流二月時待

予去掃仲宣賦走馬還朝亦未遲

夢中送僧覺而忘第三聯戲足之

兩鴻同一天羽翼不相及偶然一識面別意已超忽去  
程秋光好萬里無斷絕雖無仁人言贈子以明月

無題

六經在天如日月萬事隨時更故新江南丞相浮雲壞  
洛下先生宰木春孟嘉何妨改師法京房底處有門人  
舊喜讀書今懶讀焚香閱世了閒身

正月十二日自房州遇金兵至奔入南山十五

日抵回谷張家

久謂事當爾豈意身及之避兵連三年行半天四維我  
非洛豪士不畏窮谷飢但恨平生意輕了少陵詩今年  
奔房州鐵馬背後馳造物亦惡劇脫命真毫釐南山四  
程雲布襪傲險巖籬間老炙背無意管安危知我是朝  
士亦復顰其眉呼酒軟客脚菜本濯玉肌窮途士易德  
歡喜不復辭向來貪讀書閉戶生白髭豈知九州內有



山如此竒自寬實不情老人亦解頤投宿恍世外青燈  
耿茅茨夜半不能眠澗水鳴聲悲

正月十六日夜二首

正月十六夜竹籬田父家明月照樹影滿山如龍蛇  
二更風薄竹悲吟連夜分村西遞餘韻應勝此間聞

坐澗邊石上

三面青山圍竹籬人間無路訪安危扶筇共坐槎牙石  
澗水悲鳴無歇時

十七夜詠月

月輪隱東峰奇彩在南嶺北崖草木多蒼茫映光景玉  
盤忽微露銀浪瀉千頃岩谷散陸離萬象雜形影不辭  
三更露冒此白髮頂老筇無前遊危處有新警澗光如  
翻鶴變態發遙境回首房州城山中夜何永

獨立

籬門一徙倚今夜天星繁獨立入世外唯聞澗水喧叢  
薄凝露氣羣峰帶春昏偷生亦聊爾難與衆人言

採菖蒲

閒行澗底採菖蒲  
千歲龍蛇抱石癭  
明朝却覓房州路  
飛下山巔不要扶

與信道遊澗邊

斜陽照亂石  
顛崖下雙筇  
試從絕壑底  
仰視最奇峰  
迴磴發澗怒  
高靄生樹容  
半岩菖蒲根  
翠葆森伏龍  
豈無避世士  
於此倘相逢  
客心忽悄愴  
歸路迷行蹤

詠西嶺梅花

雨後衆崖碧白處紛寒梅遙遙迎客意欲下山坡來窮  
谷受春晚邂逅今日開絳領承玉面臨風一低回折歸  
無可贈孤賞心悠哉

遊南嶂同孫信道

遙瞻南嶂深復深雙崖與天藏太陰青鞋濟勝不能嬾  
踏破積雪窮崎嶇空中朽樹抱孤篠無竅蒼壁生橫林  
孤禽三叫危石裂欲返未返神蕭森磴迴忽然何處所  
當面烟如翠蛟舞石門泄風無晝夜古木絕道藏雷雨

丹丘青城去幾許下視人間足塵土放身天地不自知  
道以龍蛇翼熊虎山中異事記今晨杖藜得道孫與陳

遊東岩

散策東岩路夢中曾記經斜暉射殘雪崖谷遍晶熒鴉  
鳴山寂寂意迥川冥冥乘興欲窮討會心還少停新晴  
遠村白薄暮羣峰青危途通仙境勝日行畫屏豈獨淨  
一念將期朝百靈不同南澗詠悲慨滿中扃

晚望信道立竹林邊

脩竹林邊烟過遲  
幅巾藜杖立踈籬  
恨無顧陸同攜手  
寫取孫郎覓句詩

雨晴徐步

百年幾晴朝徐步  
山徑濕忽悟春已深  
鳴禽飛相及雪消  
衆綠淨霧罷羣峰立  
澗邊千堪岩今日  
何復集

同信道晚登古原

幽懷忽牢落起望  
登古原微吹度脩竹  
半林白翻翻日暮  
紛物態山空銷客  
魂惜無一尊酒與  
子醉中言

岸幘

岸幘立清曉山頭生薄陰  
亂雲交翠壁細雨濕青林  
時改客心動鳥鳴春意深  
窮鄉百不理時得一閒吟

雨

雲起谷全曙雨晴山復明  
青春春望中色白澗晚來聲  
遠樹鳥羣集高原人獨耕  
老夫逃世久堅坐聽陰晴

醉中至西徑梅花下已盛開

梅花亂發雨晴時  
褪盡紅綃見玉肌  
醉中忘却頭邊雪

橫插繁枝歸竹籬

出山二首

陰岩不知晴路轉見朝日獨行脩竹盡石崖千丈碧  
山空樵斧響隔嶺有人家日落潭照樹川明風動花

入山二首

出山復入山路隨溪水轉東風不惜花一暮都開遍  
都迷去時路策杖烟漫漫微雨洗春色諸峰生晚寒

寒食



竹籬寒食節微雨淡春意  
誼諱少所便寂寞今有味  
空山花動搖亂石水經緯  
倚杖忽已晚人生本何冀

清明

雨晴閒步澗邊沙  
行入荒林聞亂鴉  
寒食清明驚客意  
暖風遲日醉梨花  
書生投老王官谷  
壯士偷生漂母家  
不用鞦韆與蹴鞠  
只將詩句答年華

與夏志宏孫信道張巨山同集澗邊以散髮岩

岫為韻賦四小詩

哦詩谷虛響微步下岩半披叢澗影搖集鳥紛然散  
亂石披沙淺水紋如紺髮馳暉忽西沒林光相映發  
舉頭山圍天濯足樹映潭山中記今日四士集空岩  
張子卧石榻夏子理泉竇孫子獨不言楮頤數烟岫

出山宿向翁家

紙坊山絕頂直下夕陽斜却看來處路南北兩岩花田  
翁邀客宿笑指林下家問我出山意無乃貴諠譁

出山道中

雨歇淡春曉雲氣山腰流高崖落絳葉恍如人世秋避  
地時忽忽出山意悠悠溪急竹影動谷虛禽響幽同行  
得快士勝處頻淹留乘除了身世未恨落房州

詠青溪石壁

青溪宜曉日曲處千丈晦天開蒼石屏影落西村外虛  
無元氣立明滅河漢對人行崢嶸下鳥急浩蕩內向來  
千萬峰瑣細等蓬塊老夫倚杖久三嘆造化大惜哉太  
史公意短遺此快更欲訪野人窮探視其背

簡齋集卷八

欽定四庫全書薈要卷一萬五千四百

集部

簡齋集卷九

宋 陳與義 撰

詩

聞王道濟陷敵

海內堂堂友如今在敵圍  
虛傳袁盜脫不見華元歸  
浮世身難料危途計易非  
雲孤馬西嶺老淚不勝揮

均陽官舍有安榴數株著花絕稀更增妍麗

庭際安榴樹花稀更可憐  
青旌擁絳節伴我作神仙  
日遲景不暮微陰眩彌鮮  
一尊兼百慮心賞更悠然

和王東鄉絕句四首

少時走馬洛陽城今作江邊瓶  
錫僧說與虎頭須畫我  
三更月裏影峻嶒

來日安榴花尚稀壓牆丹實已  
垂垂何時著我扁舟尾  
滿袖西風信所之

只今當代功名手不數平生粥飯僧  
獨立江風吹短髮

暮雲千里倚峻嶒

平生不得吟詩力  
空使秋霜入鬢垂  
太岳峰前滿尊月  
為君聊復一中之

觀江漲

漲江臨眺足消憂  
倚杖江邊地欲浮  
聲浪併翻孤日去  
兩津橫卷半天流  
鼉鼉雜怒爭新穴  
鷗鷺驚飛失故洲  
可為一官妨快意  
眼中唯覺欠扁舟

同左通老用陶潛還舊居韻

故園非無路今已不念歸秋入漢水白葉脫行人悲東  
西與南北欲往還覺非勿云去年事兵火偶脫遺可憐  
冷燐影殘歲聊相依天涯一尊酒細酌君勿催持觴望  
江山路永悲身哀百感醉中起清淚對君揮

同通老用淵明獨酌韻

紛紛吏民散遣我以兀然悄悄今夕意鳥影馳隙間向  
來房州谷採藥危得仙忽駕太守車出處寧非天何妨  
暫閱世謀行要當先西齋一壺酒微雨新秋還蛛網閃



明晦葉聲餞歲年呼兒具紙筆錄我醉中言

欲離均陽而雨不止書八句寄何子應

江城八月楓葉凋城頭哦詩江動搖秋雨留人意戀戀  
水光泛樹風蕭蕭綸巾老子無遠策長作東西南北客  
不如何遜在揚州坐待梅花映粧額

均陽舟中夜賦

遊子不能寐船頭語輕波開窗望兩津烟樹何其多晴  
江涵萬象夜半光蕩摩客愁彌世路秋氣入天河汝洛

塵未消幾人不負戈長吟宇宙內激烈悲蹉跎

舟次高舍書事

漲水東流滿眼黃泊舟高舍更情傷一川木葉明秋序  
兩岸人家共夕陽亂後江山元歷歷世間岐路極茫茫  
遙指長沙非謫去古今出處兩淒涼

石城夜賦

初月光滿江斷處知急流沈沈石城夜漠漠河漢秋為  
客寐常晚臨風意難收三更柝樓底身世入搔頭

登岳陽樓二首

洞庭之東江水西，簾旌不動夕陽遲。  
登臨吳蜀橫分地，徙倚湖山欲暮時。  
萬里來遊還望遠，三年多難更凭危。  
白頭弔古霜風裏，老木蒼波無限悲。

天入平湖晴不風，夕帆和雁正浮空。  
樓頭客子杪秋後，日落君山元氣中。  
北看可堪回白首，南遊聊得看丹楓。  
翰林物色分留少，詩到巴陵還未工。

巴丘書事

三分書裏識巴丘  
臨老避兵初一遊  
晚木聲酣洞庭野  
晴天影抱岳陽樓  
四年風露侵遊子  
十月江湖吐亂洲  
未必上流須魯肅  
腐儒空白九分頭

晚步湖邊

客間無勝日  
世故可暫逃  
杖藜迎落照  
寒彩徧平臯  
夕湖光景麗  
晴鶴聲音豪  
天長兼葭響  
水落城堞高  
萬象各搖動  
慰此老不遭  
楚纍經行地  
處處餘離騷  
幸無大夫貴  
得伴諸子遨  
終然動懷抱  
白髮風中搔

再登岳陽樓感慨賦詩

岳陽壯觀天下傳樓陰背日堤綿綿草木相連南服內  
江湖異態闡干前乾坤萬事集雙鬢臣子一謫今五年  
欲題文字弔古昔風壯浪湧心茫然

里翁行

里翁無人支緩急天雨牆壞百憂集賣衣雇人築得牆  
不慮偷兒披戶入夜寒干陬不經過偷兒若來知奈何  
君不見巴丘古城如培塿魯肅當年萬人守

避地行

遭亂始知承平樂避地更覺中原好巴陵十月江不平  
萬里北風吹客倒洞庭葉稀秋聲歇黃帝樂罷川杲杲  
君山偃蹇橫歲暮天映湖南白如婦人世多違壯士悲  
干戈未定書生老揚州雲氣鬱不動白首頻回費私禱  
后勝誤齊已莫追范蠡圖越當若為皇天豈無悔過意  
君子慎惜經綸時願聞羣公張王室臣也安眠送餘日

又登岳陽樓

岳陽樓前丹葉飛  
闌干留我不思歸  
洞庭鏡面平千里  
却要君山相發揮

除夜二首

城中爆竹已殘更  
朔吹翻江意未平  
多事鬢毛隨節換  
盡情燈火向人明  
比量舊歲聊堪喜  
流轉殊方又可驚  
明日岳陽樓上去  
烏烟湖霧看春生

萬里江湖憔悴身  
蓼蓼街鼓不饒人  
只愁一夜梅花老  
看到天明付與春

火後問舍至城南有感

魂傷瓦礫舊曾遊尚想奔烟萬馬道遂替他人作正月  
絕知回路想巴丘書生性命驚頭試客子茅茨費屢謀  
唯有君山故窈窕一眉晴綠向人浮

曉登燕公樓

闌干納清曉拄杖追黃鵠燕公不相待使我立於獨霧  
收天落川日動春浮木舉手謝時人微風吹野服

火後借居君子亭書事四絕呈粹翁



天公惡極逐翻新，賴是今年有主人。  
君子亭中眠白晝，燕公樓上眺青春。

祝融回祿意佳哉，挽我梅花樹下來。  
一夜東風不知惜，月明滿樹十分開。

斫竹和梢編作籬，微風如在竹林時。  
無人來訪龐居士，晚日疎陰光陸離。

入山從此不須深，君子亭中人不尋。  
青竹短籬圍晝靜，梅花兩樹照春陰。

用前韻再賦四首

西園芳氣雨餘新  
喚起亭中入定人  
為報使君多釀酒  
梅花落盡不關春

揚州雲氣鬱佳哉  
百慮方橫吉語來  
却看詩書安穩在  
竹籬陰裏得時開

危樓只隔一重籬  
誰見扶筇獨上時  
如許江山懶搜句  
燕公應笑我支離

欲識道人門徑深  
水仙多處試來尋  
青裳素面天應惜

乞與西園十日陰

二十一日風甚明日梅花無在者獨紅萼留枝  
間可愛

昨日梅花猶可攀今朝殘萼便爛斑羣仙已御東風去  
摠脫絳袂留林間

詠水仙花五韻

仙人緋色裘縞衣以裼之青帔紛委地獨立東風時吹  
香洞庭暖弄影清晝遲寂寂籬落陰亭亭與子期誰知

園中客能賦會真詩

望燕公樓下李花

燕公樓下繁華樹一日遙看一百迴  
羽蓋夢餘當晝立縞衣風急過牆來  
洛陽路不容春到南國花應為客開  
今日豈堪簪短髮感時傷舊意難裁

陪粹翁舉酒于君子亭下海棠方開

世故驅人殊未央聊從地主借繩床  
春風浩浩吹遊子暮雨霏霏溼海棠  
去國衣冠無態度隔簾花葉有輝光

使君禮數能寬否酒味撩人我欲狂

春夜感懷寄席大光

管寧白帽且蹢躅孤鶴歸期難計年倚杖東南觀百變  
傷心雲霧隔三川江湖氣動春還冷鴻雁聲回人不眠  
苦意西州老太守何時相伴一燈前

夜賦寄友

賣藥韓康伯談經營幼安向來甘寂寞不是為艱難明  
月扶疎樹空園浩蕩寒細題今夕景持與故人看

陰風

陰風三日吹南極  
二月巴陵寒裂石  
長林巨木受軒輊  
洞庭倒流瀟湘黑  
君不見古廬竹扉聲  
策策中有鈴蟬  
落南客曾經破胆  
向炎官敢不修容待風伯

雨

霏霏三日雨  
靄靄一園青  
霧澤含元氣  
風花過洞庭  
地偏寒浩蕩  
春半客鈴蟬  
多少人間事  
天涯醉又醒

春寒

二月巴陵日日風，春寒未了怯園公。  
海棠不惜胭脂色，獨立濛濛細雨中。

次韻傅子文絕句

風雨門前十日泥，荒街相伴只筇枝。  
從今老子都無事，落盡園花不賦詩。

周尹潛雪中過門不我顧，遂登西樓賦詩見寄。  
次韻謝之三首

晴窗飛雪偃幽聽，起覓新詩自啓扃。  
不覺高軒牆外過

貪看萬鶴舞中庭

堪笑臞仙也耐寒  
飛花端合上樓看  
深知壯觀增詩律  
洗盡元和到建安

敲門俗子令我病  
面有三寸康衢埃  
風饕雪虐君馳去  
蓬戶那無酒一盃

城上晚思

獨凭危堞望蒼梧  
落日君山如畫圖  
無數柳花飛滿岸  
晚風吹過洞庭湖



雨中對酒庭下海棠經雨不謝

巴陵二月客添衣  
草草杯觴恨醉遲  
燕子不禁連夜雨  
海棠猶待老夫詩  
天翻地覆傷春色  
齒豁頭童祝聖時  
白竹籬前湖海濶  
茫茫身世兩堪悲

尋詩兩絕句

楚酒困人三日醉  
園花經雨百般紅  
無人畫出陳居士  
亭角尋詩滿袖風

愛把山瓢莫笑儂  
愁時引睡有奇功  
醒來推戶尋詩去

喬木崢嶸明月中

寒食日遊百花亭

晴氣已復濁虛館可淹留  
微花耿寒食始覺在他州  
自聞鼙鼓聒不恨歲月流  
亂代有今日茲園況堪遊  
雲移樹影失風定川華收  
曳杖新城下日暮禽語幽  
羣行意易分獨賞興難周  
永嘯以自暢片月生城頭

王應仲欲附張恭甫舟過湖南久不決今日忽

聞遂登舟作詩送之兼簡恭甫

我身如孤雲隨風隨湖邊牆東木陰好初識避世賢從  
來有名士不用無名錢披君三徑草分我一味禪胡為  
黃鵠舉忽上湖南船竟隨文若去聊伴元禮仙洞庭烟  
發渚瀟湘雨鳴川三老好看客天高梅樓前子魚獨留  
滯坐送管邨遷作詩相棹謳寄恨餘潜然

簡齋集卷九

欽定四庫全書薈要卷一萬五千四百一集部

簡齋集卷十

宋 陳與義 撰

詩

周尹潛以僕有郢州之命作詩見贈有橫槩之  
句次韻謝之

一歲憂兵四閱時偷生不恨隙駒馳如何南紀持竿手  
却把西州破賊旗倘有青油盛快士何妨畫戟入新詩

因君調我還增氣男子平生竟要奇

次韻尹潛感懷

干戈又看繞淮春歎息猶為國有人可使翠華周宇縣  
誰持白羽靜風塵五年天地無窮事萬里江湖見在身  
共說金陵龍虎氣放臣迷路感烟津

五月二日避貴寇入洞庭湖絕句

鼓發嘉魚千面雷亂帆和雨向湖開何妨南北東西客  
一聽湘妃瑤瑟來

過君山不獲登覽

我夢君山好萬里來南州青眉橫玉鏡色照城中樓勝  
日空倚眺經年未成遊今朝過城下賊急不敢留嵌空  
浪吞吐蒼蔚風颼颼龍吟襟虎嘯九夏含三秋了與遙  
賞異況乃行岩幽虬蟠何當掃延佇回我舟擲去九節  
筇褰裳走林丘會逢湘君降翠氣衣上浮山椒望蒼梧  
寄恨舒冥搜

細雨

避寇煩三老那知是舊遊平湖受細雨遠岫送輕舟  
天地悲深阻山川慰久留參差發隣舫未覺壯心休

泊宋曰遇厲風作

逐隊避狂寇湖中可盤嬉泊舟宋曰港俯仰看雲移  
造物猶可惜顛風忽橫吹洞庭何其大浪挾雲車馳可憐  
岸上竹翻倒不自持老夫元耐事淹速本無期會有大  
風定見汝亭亭時五月念貂裘竟生薄暮悲蕭蕭不自  
暢耿耿獨題詩



二十二日自北沙移舟作是日聞賊革面

宛宛轉湖灘遙遙隔城邑是時雨初霽衆綠帶微濕曉  
澤淡不波菰蒲覺風入我生莽未定世故紛相襲覲然  
賀蘭面安視一座泣豈知虎與狼義感功反集堯俗可  
盡封嗚呼吾何及氣蘇巨浸內未恨乏供給日厯會有  
窮吾行豈須急近樹背人去遠樹久凝立聊以憂世心  
寄慈忘快悒

贈傅子文

漁子牧兒談笑新先生勝日步河漘沙邊忽見長身士  
頭上仍歌折角巾豺虎不能寬遠俗山川終要識詩人  
蘆叢如畫斜陽裏拄杖相尋無雜賓

晚晴野望

洞庭微雨後涼氣入綸巾水底歸雲亂蘆叢返照新遙  
汀橫薄暮獨鳥度長津兵甲無歸日江湖送老身悠悠  
只倚杖悄悄自傷神天意蒼茫裏村醪亦醉人

雨中

雨打船篷聲百般白頭當夏不禁寒五湖七澤經行遍  
終憶吾鄉八節灘

舟抵華容縣

篙舟入華容白水繞城堞夾津列茂樹倒影青相接遠  
色分村塢微涼動蘆葉天地困腐儒江湖托孤楫

夜賦

泊舟華容縣湖水終夜明淒然不能寐左右菰蒲聲窮  
途事多違勝處亦心驚三更螢火鬧萬里天河橫阿瞞

狼狽地山澤空崢嶸弱強與興衰今古莽難平腐儒憂  
平世況復值甲兵終然無寸策白髮滿頭生

月夜

獨立夜轆轤蘆聲泛遙津月下風起波莽莽白龍鱗陰  
彩凝草木暑氣森星辰天地塵未消江湖氣聊伸人生  
幾今夕亂代偶此身胡為不少樂況乃迹易陳三更大  
魚舞悄愴驚心神永懷騎鯨士發興烟波新

晚晴

幽卧不知晴  
檣梢見斜日  
披衣起四望  
天際山爭出  
光輝渚浦淨  
意氣沙鷗逸  
避盜半九圍  
兩脚不遺力  
川陵各異態  
艱險常一律  
何為作弧矢  
前聖意莫詰  
豈知百代後  
反使宄奸密  
腐儒徒嗟嘆  
救弊知無術  
人生如歸雲  
空行雜徐疾  
薄暮俱到山  
各不見踪跡  
念此百年內  
可復受憂戚  
林木方翳然  
放懷陶茲夕

寥落

寥落洞庭夜  
微風泛客裾  
袁宏詠史罷  
孫登清嘯餘  
月

明流水去夜靜芙蓉舒城郭方多事野興一蕭疎

自五月二日避寇轉徙湖中復從華容道烏沙

還郡七月十六日夜半出小江口宿焉徙倚

柈樓書事十二句

迴環三百里行盡力都窮巴丘左移右章華西轉東江  
聲搖斗柄秋色彌葭叢羣木立江上芙蓉披月中鏡湖  
應足比剡溪那可同世將非識事孤嘯聊延風

閏八月十二日過奇父共坐翠實軒賞木犀花

玲瓏滿枝光氣動人念風日不貸此花無五  
日香矣而王使君未之知作小詩報之

清露香浮黃玉枝使君未到意低迷極知有日交銅虎  
可使無情向木犀

再賦二首呈竒父

國香薰坐先生醉秋葉藏花客子迷馳使晚風同勝地  
東軒不用鎮帷屏

香過東園花一枝尋花覓路忽成迷先生莫謂心如鐵

喜氣朝來橫角屏

十三日再賦二首其一以贊使君是日對花賦  
此韻詩落筆縱橫而郡中修水戰之具方大  
閱于燕公樓下也其一自敘所感憶年十五  
在杭州始識此花皆三丈高未嘗賦詩

我文風流元祐枝晴軒雨電筆端迷從容文武一時了  
賦罷木犀觀水犀

武陵曾識最高枝百感重逢歲月迷向日擘牋須彩鳳



如今執楯要文犀

九月八日登高作重九奇父賦三十韻與義拾  
餘意亦賦十二韻

九日風景好節意滿天涯書生尊所聞登高亂城鴉雖  
無後乘麗前驅載黃花兩樓壓波壯衆澤分天斜居夷  
驚有苗訪古悲章華蕭條湖海事勝日一笑譁興移三  
里亭木影雜蛟蛇二士醉藜杖兩禪風袈裟奇哉古無  
有未覺欠孟嘉夫公亦喜我催詩出微霞賦罷迹已陳

憂樂如轉車却後五百歲遠俗增雄誇

兩絕句

西風吹日弄晴陰酒罷三更湖海深岳陽樓上登高節  
不負南來萬里心

二士相隨風滿巾兩禪同隊景彌新但得黃花不牢落  
莫嫌驚倒岳州人

粹翁用奇父韻賦九日與義同賦兼呈奇父

安穩輕節序艱難惜歡娛先生守首宿朝士誇茱萸前

年鄧州城風雨傾客居何嘗踈麩生麩生自我踈豈無  
登高地送目與雲俱門生及兒子勸我升籃輿出門復  
入門戈旆填街衢去年郢州岸孤檝對壞郭莫招大夫  
魂誰攬使君須獨題懷古句枯硯生明珠亦復躋荒戍  
日暮野踟躕白衣終不至眇眇空愁予今年洞庭上九  
折餘崎嶇時憑岳陽樓山川看縈紆孫兄語蟬連王丈  
色敷腴不用踏筵舞秋風搖菊株樂哉未曾有是夢其  
非歟丈夫各堂堂坐受世故驅會須明年節醉倒還相

扶此花期復對勿令墮空虛明日風景佳南翔先一鳧  
何言知幾早政爾因鱸魚分襟肝肺熱撫事歲月迂歸  
家問瓶錫生理何必餘相期衡山南追步凌忽區回首  
望堯雲中原莽榛蕪臣豈專愛死有懷竟不舒老謀與  
壯士二者慚俱無

送王因叔赴試

楓落南紀明秋高洞庭白自是天涯人更送湖上客人  
生險易乘除裡富貴功名從此起不須惜別作潛然滿

路新詩付吾子

九月自巴丘適湖南別粹翁

離合不可常去住兩無策  
渺渺孤飛雁嚴霜欺羽翼使  
君南道主終歲好看客  
江湖尊前深日月夢中疾  
世事不相貸秋風撼瓶錫  
南雲本同征變化知無極  
四年孤臣淚萬里遊子色  
臨別不得言清愁漲胸臆

留別康元質教授

腐儒身世已百憂此去行年豈堪記  
岳陽樓前一杯酒

與子同舟復同味洞庭秋氣連蒼梧天高地冷魚龍呼  
莫倚仲宣能作賦不隨文若事征途

留別天寧永慶乾明金鑿四老

我生能幾何兩脚疲世故忽破巴丘夢還尋邵陽路窮  
鄉得四老足以慰遲暮勝事遠公蓮深心懶殘芋本是  
羣山雲暫聚當別去那知天風便不得還相聚凡情我  
未免臨別吐幽句慎勿過虎溪曉霜侵杖屨

別岳州

朝食三斗葱暮飲三斗醋寧受此酸辛莫行歲晚路丈  
夫少壯日忍窮不自恕乘除莫晚泰乃復逢變故經年  
岳陽樓不見南宮樹辭巢已萬里兩脚未遑住水落君  
山高洞庭秋已素浮雲易歸岫遠客難回顧飄然一瓶  
錫未知所掛處寂寞短歌行蕭條遠遊賦學道始恨晚  
為儒孰非腐乾坤杳茫茫三嘆出門去

奇父先至湘陰書來戒由祿唐路而僕以他故  
由南陽路來夾道皆松如行青羅步障中先

寄奇父

雲接湘陰百里松  
蕭蕭穆穆湖南風  
隨時憂樂非人事  
迎我笙簫起道中  
竹輿兩面天明滅  
秋令不到林西東  
未必祿唐能辨此  
題詩著畫寄輿公

初識茶花

伊軋籃輿不受催  
湖南秋色更佳哉  
青裙玉面初相識  
九月茶花滿路開

別伯共



尊酒相逢地江楓欲盡時猶能十日客共出數年詩供  
世無筋力驚心有別離好為南極柱深慰旅人悲

再別

多難還分手江邊白髮新公為九州督我是半途入政  
爾傾全節終然却要身平生第溫嶠未必下張巡

別孫信道

萬里鷗仍去千年鶴未歸極知身有幾不奈世相違歲  
暮簾葭響天長鴻雁微如君那可別老淚欲沾衣

遊道林岳麓

耽耽衡山麓翠氣橫古今濟勝得短筇未怕山行深路  
盤天開闔風動龍噫吟峯巒慘淡處照以布地金世尊  
諸天上燕坐朝千林向來修何行不受安危侵道人輕  
殊勝來客費幽尋恍然結願香未會三生心山中日易  
晚坐失羣木陰勿唾此山地後日重窺臨

江行野宿寄大光

檣鳥送我入蠻鄉天地無情白髮長萬里回頭看北斗

三更不睡聽鳴榔平生正出元子下此去還經思曠傍  
投老相逢難袞袞共恢詩律撼瀟湘

寄信道

衡山未見意如飛浩蕩風帆不可期却憶府中三語掾  
空吟江上四愁詩高灘落日光零亂遠岸叢梅雪陸離  
賸欲平分持寄子白頭才盡只成悲

適遠

處處非吾土年年避敵兵何妨更適遠未免一傷情石

岸烟添色風灘暮有聲平生五字律頭白不貪名

衡岳

野客元耕嵩岳田得遊衡岳是前緣避兵徑度吾豈忍  
欲雨還休神所憐世亂不妨松偃蹇村空更覺水潺湲  
非無拄杖終傷老負此名山四十年

客子山行不覺風龍吟虎嘯滿山松綸巾一幅無人識  
勝業門前聽午鐘

城中望衡山浮雲作飛蓋竭來岩谷遊却在浮雲外

危亭見上方林壑帶殘陽今日豈無恨重遊却味長

跋任才仲畫兩首大光所藏

遠遊吾不恨扁舟載幅巾山色暮暮改林氣朝朝新野  
客初逢句薄暮欲生春因知子任子胸懷非世人

前年與孫子共作南山客扶疎月下樹偃蹇澗邊石賦  
詩題古辭三叫風脫幘任子不同遊臺端有疇昔

跋江都王馬

天上房星空不動人間畫馬亦難逢當年筆下千金鹿

此日窗間八尺龍

與王子煥席大光同遊廖園

三枝筇竹興還新  
王文席兄俱可人  
僑立司州溪水上  
吟詩把酒對青春

除夜次大光韻  
大光是夕婚

一杯節酒莫留殘  
坐看新年上鬢端  
只恐梅花明日老  
夜瓶相對不知寒

除夜不寐飲酒一盃  
明日示大光

萬里鄉山路不通年年佳節百憂中  
催成客睡須春酒  
老却梅花是曉風

簡齋集卷十